



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Ad Mysticos Proloqvivm.

urn:nbn:de:hbz:466:1-9766

glo: glo: glo: glo: glo: glo: glo: glo: glo:
glo: glo: glo: glo: glo: glo: glo: glo: glo:

AD MYSTICOS PROLOQVIVM.

Ac iendi plures Libros nullus est finis, sapienter inquit Ecclesiastes. Si enim [possumus alios b purgare, illuminare & perficere, dispositiue: quia sumus coadiutores Dei, qui olus hoc facit effectiue,] eorum autem qui purgandi, illuminandi, & perficiendi sunt, alij atq; alij iudicantur; quomodo in exercitatione mystica, vtpotè occulta, & à communione hominum (etiam piorum) viuendi consuetudine, remota; instructionis & scriptio[n]is, poterit esse finis? idq; vel ex eo maximè capite, quod mystica viuendi ratio, difficulter intelligatur, difficilius explicetur, difficillimè autem in praxin redigatur. Vnde oportet, ut ad facilem intelligentiam, dilucidam explicationem, & ad praxis promptam expeditionem, à compluribus varia, eaq; diuersis modis, & institutis dicantur; quo ita commodius auxilium consequantur, qui in diuinis coniunctionibus multifariè, & instrui debent & exerceri.

Atque huius rei gratia, & nos cogitauimus Dei auxilio (ad evitandos superfluos discursus, & confusam doctrinam, quæque speculationi magis, quam praxi deseruit, aut ne prodeat opus mancum, quodue de uno, aut altero tantum, & non de omnibus, & singulis statibus huius vitæ pertractet) breuiter, & dilucide omnia, & singula in Theologia mystica usitata, ad proprios sta-

):():(3 tus

a.c.12. b S. Bonav.7. Itin. etern. d. 4.

PROLOQVIVM.

tus practicos ordinatè disponere: ita vt Mysticorum nemo in incertum currat, aut pugnet, quasi aërem verberans; multis, aut anxietatibus inuolutus, aut dubijs vagus, & quasi pros fugus super terram; nesciens illum, qui & intus, & foris adstat, atque ingredi entibus, & egredientibus paſcua largitur.

[Si quis ergò horum quæ dicuntur ^a cupit adipisci notitiam, amet; amor enim hic vbiique loquitur: alioqui frustra ad audiendum, legendumue carmen amoris, qui non amat accedit; cum omnino capere non posset ignitum eloquium, pectus frigidum.] iam verò si pectus frigidum, & à mundi illecebris nondum depuratum, non capit ea, quæ sunt spiritus Dei; quid quæso capiet pectus verbosa scientia inflatum, quod que magis imperitè cum Eliu fastuosa eloquentia terreat, quam solida, & ad praxin conformi instructione ædificet? Vnde & apud istiusmodi farinæ homines (cum quibus forsitan & sapientia ^b morietur, quibusue omnes homines tacebunt) si quid hodie ab alijs litteris demandetur: scriptionis inchoatio est inuidia, continuatio dolor, finis odium.

Nos autem ad pias animas, (quibus ex gratia, & vocatione Dei datum est infraēto animo terrenis cupiditatibus neglectis, conuersationem suam in cœlo collocare) conatus nostros, & labores dirigimus: [istumque ^c Librum offero intuendum non Philosophis, non mundi sapientibus, non magnis Theologis infinitis quæſtionibus implicatis; sed rudibus, & indo-
ctis,

^a Harph. Theol. Mysticus lib. 1. part. 2. cap. 96. ex S. Bernardo. ^b Iob. 2. ^c S. Bonav. in prol. de incendio amoris.

PR O L O Q V I V M.

Etis, magis Deum diligere, quam multa scire conantibus: non enim disputando, sed agendo sciatur ars amandi. Arbitror autem ea, quæ hic continentur, ab istis quæstionarijs, & in omni scientia summis, sed in amore Christi inferioribus, non posse intelligi; vnde nec eis scribere decreui; nisi postpositis, & oblitis cunctis, quæ ad mundum pertinent, solius conditoris in ardescant desiderio mancipati.] & diligent, ac sollicita cura, viam diuinæ amoris inquirant. [nisi enim alicui curæ sit Dei sapientia, quæ ex diuinis libris hauritur, quomodo nobis curæ erit, illius in diuina scientia institutio.]

Et sanè si quis ex mysticis Scriptoribus, omnes, & singulos status, dispositiones, & operationes, practica methodo pertrahare voluisset; [profecto nunquam ^b eo insaniæ, aut vanitatis prorupissemus, vt nos vel diligentius illo, vel diuinius (mystica) affecatos putaremus; vel iisdem superuacaneo labore repetendis, frustra in eo poneremus orationem.] quia verò non [c] omnia laudare possumus, nedium planè intelligere, alijsque tradere,] hinc quæcunque, Deo fauente, exponimus, sub collecta, & quod maximè spectandum est, ad praxin bene ordinata summa, præstamus. [rogo igitur, quod magis pensetur d'intentio scribentis, quam opus, magis dictorum sensus, quam sermo incultus, magis veritas, quam sermonum venustas: magis exercitatio affectus, quam eruditio intellectus; quod vt fiat non est harum speculationum progressus perfuntoriè transcurrentus, sed

a S. Dion. de diu. nom. cap. 2. b S. Dion. de diu. cap. 3. c de Eccl. Hier. cap. 3. S. Bonavent. in Prolog.

PROLOQVIVM.

sed morosissimè ruminandus.] quum autem [beatam ^avitam fa-
cilius sit consequi, quam enarrare;] [tractaturus materiam, qua
nulla sublimior ^b est, nulla diuinior; sed nec vlla quæri difficultior,
sicut nulla potest salubrior inueniri: ut potè in qua nostræ felici-
tis cardo figitur.] Precor Cœlestem Regem, vt in Lumi-
ne eius, videamus Lumen, quo ad iustitiam, virtutem,
diuinumque amorem erudiantur
multi,

a S.Bonav. Solit. cap. 3. b Gerson. in prolog. Theol. specul.



DE